

Lou Pichot Roudanen : LPR.11, en lengo nostro. 25.04.2020

### 1) Lou tierça perdènt :

Franço : 22.614 décès + de counfierma li 9.000 mort à doumicilo countamina pèr lou virus d'après l'estimacioun de MG Franço. S'èro lou cas passarian li 30.000 mort.

Chifro pèr l'Espagno : 22.902 mort e l'Italio : 26.384 mort

Sian en trin de prevèire lou tourna regulié de vosto revisto Li Nouvello de Prouvènço. Dins l'espèro vous mandan uno garbo d'info sus la situacioun atualo à respèt de la pandemio dóu corona-virus, apela tambèn covid-19. Aqueste tèste es apoundu en fourmat PDF à noste mandadis. Poudrés, à voste tour, lou manda en tóuti vòsti couneissènço, pèr faire uno CADENO PROUVENÇALO de reinfourmacion.

### 2) De novo de la Coumboscuro, dins lou parla prouvençau de nòstis ami d'eilabas dins li valèio dóu Piemount :

Gramaci de vostre mandadis sempre mai pountuau.

Per vous passar e novo de nosti valado es simple: lou virus s'aresto encò di pais de la plano e per lou moument aven pas de novo de gent malauto dins li valeio prouvençalo dóu Piemount. Despèi lou 3 de mars en Italio lou mounde es "counfinà" dins meisoun, mai sian segur que dins nosti mounagno sian mies que en li vilage ou li vilo, perde-que sian dins la naturo.

Acò vòu dire que respeten la reglo, mai aven uno "grando meisoun" de pra, de bouòsc, de routo e pasturage libre, senço degun. Alouro noste temp lou passen a far de bouòsc e a retirar li brancho que la nèu a fach toumbar. Ben leu sarè la primo e aven rastelà li pra per esperà que creisse l'erbo e far lou fen.

Après dòu 4 de mai sabaren se saren libre d'anar e venir coumo avans. Demai l'estiéu avanço mai per li manifestacion prouvençalo qu'avian abitud de far saben pas se nous dounaren li permicioun. Aquelo mario malautié nous alassarè encaro per de long temps, beléu senço nous toucà, mai nous chambiarè la vido e lis abitud. Acò es segur! Dàvi ARNEODO

### 3) Adessias Benjamin Gloaguen

Èro musician proufessiounau, chèfe d'ourquèstro, chèfe de cor, coumpositour. Nascu au Perou, avié barrula un pau de pertout pèr viéure soun mestié, en Americo, en Éuropo, en Franço. Un tèms, à la fin dis annado 1980, èro esta chèfe de cor à l'opera d'Avignoun. En fin de carriero, avié chausi de planta caviho dins nosto vilo. Lou prouvençau l'interessè e seguiguè dos annado li cous de Parlaren País d'Avignoun, mai si proublèmo de santa ié permeteguèron pas de li countunia. Avèn après sa despartido. Malautejavo di pómoun, lou coronavirus l'a pas manca. Avié 82 an. A sa mouié, à si dous fiéu, presentan nòsti coumplanchos li mai entristesido. BD

### 3) E pèr legi en esperant lou descounfinamen :

■ Bono-di lou soustèn de la Vilo d'Avignoun e de la Region Prouvènço-Aup-Coustiero d'Azur, es esta possible, pèr li Calèdo de 2019, de tourna edita lou libre maje d'Enri Bouvet (1805-1905) : *Moun Vièi Avignoun*.

Enri Bouvet fuguè mèstre en gai sabé e l'un di cepoun de la chourmo de L'Aiòli, lou journau de Frederi Mistral.

Èro un patrioto avignounen e prouvençau. Es après sa despartido que sa sorre, Isidourino, en 1907, decidè de recampa dins un recuei tóuti li crounico e pouèmo de soun fraire. Lou libre fuguè edita à Vilo-Diéu, pèr la Grandò Empremarié Prouvençalo.

Coume «*Moun Vièi Avignoun*» es esta agouta despièi l'an pèbre, es lou regreta Jan Bouvet, de la carriero Petramalo en Avignoun, rèire-nebout d'Enri, qu'encouragè «*Li Nouvello de Prouvènço*» e l'Oustau de la Culturo Prouvençalo d'Avignoun de n'en faire uno novo edicioun. Es uno colo valènto de militant de Parlaren e de sòci dóu Flouregue que prenguè en cargo lou tout-obro.


Aquesto novo edicioun la vaqui, drudo de si 320 pajo, emé 58 tèste autenti de Bouvet counsacra à l'Avignoun de soun tèms e d'avans, que poudrié segur pas recounèisse sa cièuta tant à evoulua e tant s'es urbanisado.

Lou libre de Bouvet, pamens, nous pourgis un image famihié en presentant tóuti li carateristico de la cièuta : lou Rose, la Roco de Dom, lou Palais di Papo, li bàrri, li porto dins li bàrri, li mounumen, li glèiso, li tradicioun populàri (vuei despereigudo, coume la Carreto de la Sant-Fiacre), li Penitènt, li marcat, lis endustriò, li gènt celèbre (Esperit Calvet, Salviati, Jan Alten, Jousè Vernet, Esperit Requien etc).

«*Moun Vièi Avignoun*» óublido pas Jacoumar e sa Jacoumardo, ansin que la Font-Cuberto, lou Plan d'Avignoun, la Bartalasso, lou Pont Sant-Benezet, lou tèms benesi di guingueto e, de l'autro man dóu Rose, Pont d'Avignoun, Vilanovo d'Avignoun, Pijaut e soun estang e Recafort emé soun roumavage. Es, fin finalo, un doucumen preciaus sus l'Avignoun d'antan, counta e racounta pèr un de si fiéu. Vaqui enfin Pamparigousto monte Isidourino e Enri reçaupien li felibre, lis artisto e tóuti sis ami.

L'edicioun es aumentado d'un fube de noto e enlusido de 52 ilustracioun d'epoco. Es un libre de pas manca e un bèu presènt pèr li Fèsto de Nouvè.

De nouta que, coume lou faguè Isidourino, lou tèste es entieramen en prouvençau. ■



#### Pèr croumpa o coumanda

#### Moun Vièi Avignoun :

320 pajo. 52 ilustracioun. Fourmat 17x22,5.

#### Se pòu croumpa vers :

\* Parlaren en Vaucluso, 42 Bd Sixte Isnard, 84000 Avignoun.

jc.roux.regordane48@gmail.com

\* **Pres : 20 eurò** se lou libre es pres en Avignoun vers Parlaren (pica au pourtihoun dóu 42 Bd Sixte Isnard) - faudra pèr acò vous descounfina.

\* **o 25 eurò emé li frès de port** pèr uno coumando pèr la Posto. Chèque à l'ordre di Nouvello de Prouvènço, 42 Bd Sixte Isnard, 84000 Avignoun.

*Sus li bord dóu grand Rose es aqui la cièuta  
Monte, un jour, ié venguè sèire la papauta  
E d'elo n'a garda si bàrri pèr courouno  
Emé soun vièi palais que lou soulèu poutouno.  
Avignoun, terro astrado, au soulèu dóu Miejour  
Se n'es plus Capitalo, eh bèn, sara toujours  
Vilo di souveni que gardan en memòri.*

Enri Bouvet

#### **4) Anulacioun dis ativeta dis Assouciacioun Parlaren (à jour lou 25.04) :**

##### **Parlaren Bedarrido – Anulacioun :**

- Cous de prouvençau - 13.03 : Counferènci «*Li creaturo fantastico de Prouvènço*».
- 14.03 : Ditado Regiounalo - 19.03 : Roudelet voucau à Sablet
- 25.03 : Inaguracioun carriero Cacarribò e negado di Lume.
- 26.03 : Roudelet voucau à Baumo de Venisso e lou 02.04.
- 28.03 : Rescontre emé l'escrivan Alan Martin. - 04.04 : Escapado culturalo à Cassis.
- 04 au 09.05 : Espousicioun «*Li fèsto à l'entour di creaturo fantastico de Prouvènço*».
- 09.05 : Counferènci «*Uno dinastio de Tarasco*» - 10.05 : Escapado à la Font de Vaucluso.
- 21.05 : Participacioun au passo-carriero de la fiero di chivau.
- 14.06 : Recampado à Bedouin - 24.06 : Fiò de Sant-Jan. - 28.06 : Fèsto de la meissoun.

##### **Parlaren à Bouleno – Anulacioun :**

- Cous de prouvençau enjusquo Setèmbe. Messo en plaço d'uno countinuita pedagogico emé courrièl d'atualita en prouvençau, ressourso pedagogico e devè à l'oustau.
- Ativeta dóu CDP e de l'acuei dóu publi, represso poussiblo segound li coundicioun de levado dóu counfinamen. Pamens es assegurado uno vèio amenistrativo.
- Fèsto prouvençalo 2020 previsto lou 14 de Jun. - Fèsto de la musico e de la Sant-Jan.

##### **Parlaren Cadarouso – Anulacioun :**

- Cous de prouvençau - Lotò prouvençau dóu 15 de Juliet, repourta au 11 d'Ótobre.

##### **Parlaren Caumont – Anulacioun :** - Cous de prouvençau - Fiò de Sant-Jan.

##### **Parlaren à Jounquiero – Anulacioun :**

- Cafè prouvençau dóu 10 d'abriéu. - Cous de prouvençau enjusquo lou 28 de Mai
- Tiatre à St-Savournin d'Avignoun lou 6 de Jun e lou 13 de Jun à Bedouin.

**Parlaren la Cabro d'Or - Anulacioun :** di cous de prouvençau. Lis escoulan beneficion, pamens, di travai pedagogi destribuï pèr internet de Daniè Chabert. Anulacioun de la fèsto dóu 13 de Jun à la sèuvo di cèdre.

**Parlaren à Mouriero - Anulacioun :** di cous de prouvençau e de sa matinado de tiatre dóu 19 d'Abriéu emé «cantaren Venasco».

**Parlaren en Vaucluso – Anulacioun :** Estage emé Parlaren Nioun, l28 de Mars, à Nioun.

##### **Li Nouvello de Prouvènço - Anulacioun :**

- AG previsto lou 30 de Mars. - Numerò de Mars-Abriéu de la revisto.
- Estage emé Caminan lou 16 de Mai au Bouis di Barounié.
- Estage à-z-Ais de Prouvènço, emé A'Cantari, lou 13 de Jun.

##### **Parlaren País d'Avignoun – Anulacioun :**

- 2 Cous de prouvençau d'Avignoun e 1 à Rougnouna. Li cous se perseguisson pamens pèr courrièl emé lis escoulan qu'an uno adrèisso internet emé Bernat Deschamps. AG previsto pèr lou 13 de Mars. - Fèsto de la Musico lou 21 de Jun.

##### **Parlaren Roubioun – Anulacioun :**

- Cous de prouvençau. - Sourtido au Palais dóu Roure e à Maiano.
- Repas de fin d'annado escoulàri e de soun animacioun (Jun).

##### **Parlaren Lou Tor - Anulacioun di sourtido de la troupo de tiatre (Li Galejaire) :**

- 20.03. - Serado prouvençalo à Monsegur sur Lauzon.
  - 27.03 - Vihado à l'Arbousiero à Gadagno. 04.04 - Vesprado de tiatre à Vedenò.
  - 16.05 - Niue di museon à Perno li Font. 06.06 - Vesprado de tiatre à St Savournin.
  - 13.06 - Recampado à Bedouin. Vesprado de tiatre 15.06 - Respeli, serado de tiatre.
  - 10.07 - Vesprado de tiatre à Carpentras. 14.07 e 17.07 - Tiatre deforo à Perno li Font. >
- Àutris ativeta anulado : 03.05 - 03/05 Printemps du Beffroi au Thor (Journado prouvençalo inaguracioun d'uno carriero e vesprado de tiatre). - Fiò de Sant-Jan.

**Parlaren Vaurias - Anulacioun di cous de prouvençau.** Reprendran à la rintrado.

## **5) Au 25.04.2020 à 18 h la situacion en França, pèr la pandemio de coronavirus, èro de :**

- 14.050 mort en espitalisacion + 8564 mort en EHPAD + li 9.000 mort à doumicilo estima pèr MG França que soun d'oufficialisa...

Aqueste toutau dounc pren pas encaro en comte les décès à doumicilo degu au virus. De Mars de 2019 à Mars de 2020 i'agu un surplus d'aquéli décès dins França entiero de + 9%. Veiren pèr la chifro di mort à doumicilo la coumparesoun emé li remountado de l'estat-civil. Pièi aquéli d'Abriéu de 2019 à Abriéu de 2020. Emé 9000 mort de plus s'es counfierma passarian davans l'Italio.

## **6) Pèr la Region PACA au 25.04.2020, e pèr d'uni despartamen dóu Miejour au 24.04.2020, avian li chifro seguènt en resoun de la pandemio de covid-19 :**

Aup de Prouvènço-Auto: 7 mort, 30 espitalisacion, 2 reanimacion.

Ardecho\* : 53 mort.

Ariejo\* : 2 mort.

Audo\* : 44 mort.

Aup-Marino : : 122 mort, 259 espitalisacion, 47 reanimacion.

Àutis-Aup : 6 mort, 41 espitalisacion, 8 reanimacion.

Auto-Lèiro\* : 7 mort.

Aveiroun\* : 20 mort.

Bouco-de-Rose : 362 mort, 974 espitalisacion, 180 reanimacion.

Cantau\* : 3 mort. Creuso\* : 5 mort.

Dourdougno\* : 6 mort.

Droumo\* : 108 mort.

Erau\* : 96 mort.

Gard\* : 36 mort.

Lousèro\* : 0 mort.

Pirenèu Óorientau (Catalougno)\* : 25 mort.

Var : 102 mort, 300 espitalisacion, 39 reanimacion.

Vaucluso : 26 mort (+6 en EHPAD), 77 espitalisacion, 14 reanimacion.

En quau fau apoundre pèr la Region PACA 247 persouno morto en EHPAD e nouta que 101 residènt mort à l'espitau soun coumprés dins li chifro dis espitalisacion.

**Adounc pèr aquesto Region Prouvènço-Aup-Coustiero d'Azur avian :**

881 mort, 1693 espitalisacion, 290 reanimacion, manco li mort au siéu.

Pèr li despartamen en foro de PACA, signalan que la chifro di décès au 22.04.2020. Avèn pas la chifro dis EHPAD e di mort à doumicilo.

## 6) Evoulun de la situacioun dins lou mounde ócidentau pèr ordre d'impourtanço dóu nombre de mort au 23.04.2020 :

USA : 46.996 (dont Etat de New-York : 14828)

Italie\* : 25.085

Espagno\* : 21.717

Franço\* : 21.372 (manco li mort dóu covid-19 à doumicilo).

Reiaume Uni\* : 18.100, mai belèu forço mort à doumicilo.

Bèugico\* : 6262

Alemagno\* : 5211

Oulando\* : 4084

Canada : 1966

Suèdo : 1937

Souisso\* : 1508

Pourtugau\* : 820

Russio : 513

Austriò\* : 510

Roumanio : 508

Poulougno : 426

Danemark : 384

Oungrìo : 225

Tchequìo : 208

Nourvejo : 186

Finlando : 149

Serbìo : 134

Grèço : 121

Lissembourg\* : 83

Eslouvenio : 79

Moldavio : 76

Bielourussio : 58

Macedoine : 56

Bousnìo-Herzegouvino : 53

Bulgarìo : 49

Crouatìo : 48

Estounio : 44

Lituanio : 38

Albanio : 27

Chipro : 17

Eslouvaquìo : 14

Letounio : 11

Mountenegro : 5

Malto : 3

Vous dounan dins li pajo 6 e 7 l'evoulun de la situacioun dins lou mounde. Seguiran dins un autre buletin que s'es necite

Pajo 6 : 8 païs marca pèr un \* e que soun lou cor de l'Éurope + lou Reiaume Uni toutalison :

**104.569 mort dóu covid-19**

Lis autre ne represènton que :

**5452 mort**

Pajo 7 : avès quàuqui dounado moundialo.

Seguissènt, subre-tout, l'evoulun de la situacioun dins li gràndi plano dis USA e dóu Canada.

Signalan lou numerò dóu 23 d'Abriéu de Vaucluse Matin qu'a douna 1 pajo entiero d'estùdi e d'analiso sus li despartamen cubert pèr soun edicioun.

Gramaci

**7) Analiso de la situacioun de la pandemio de covid-19 (o coronavirus), au 24.04.2020, dins lou relarg d'expandimen di Nouvello de Prouvènço : li despartamen soun aqui classa pèr numerò.**

**Ramentan que la toco d'un journau o d'uno revisto es de s'ócupa, tambèn, de la pouplacioun de nòsti region.**

**Noumbre di mort pèr despartamen de la Region Prouvènço-Aup-Coustiero d'Azur e di despartamen vesin de lengo nostro :**

04 : 161.980 abitant, 24 au km<sup>2</sup>, mort à l'espitau e en EHPAD : 10

05 : 141.300 abitant, 25 au km<sup>2</sup>, mort à l'espitau e en EHPAD : 6

06 : 1.083.310 abitant, 252 au km<sup>2</sup>, mort à l'espitau e en EHPAD : 179

07 : 325.712 abitant : 59 au km<sup>2</sup>, mort à l'espitau e en EHPAD : 126

13 : 1262.024.162 abitant, 398 au km<sup>2</sup>, mort à l'espitau + EHPAD : 443

26 : 511.553 abitant, 184 au km<sup>2</sup>, mort à l'espitau e en EHPAD : 135

30. 744.178 abitant, 127 au km<sup>2</sup>, mort à l'espitau e en EHPAD : 51\*

34. 1.144.892 abitant, 184 km<sup>2</sup>, mort à l'espitau e en EHPAD : 123\*

83. 1.058.740 abitant, 177 au km<sup>2</sup>, mort à l'espitau + EHPAD : 187

84. 559.479 abitant, 159 au km<sup>2</sup>, mort à l'espitau + EHPAD : 32

**Se fasèn lou ratio décès/100.000 abitant la resulto es aquelo :**

07 :  $126/3,25 = 38,76$  décès pèr 100.000 abitant

13 :  $443/12,62 = 35,10$  décès pèr 100.000 abitant

26 :  $135/5,1 = 26,4$  décès pèr 100.000 abitant

06 :  $179/10,83 = 16,5$  décès pèr 100.000 abitant.

83.  $187/10,5 = 17,80$  décès pèr 100.000 abitant.

34.  $123/11,44 = 10,75$  décès pèr 100.000 abitant.

30.  $51/7,4 = 6,49$  décès pèr 100.000 abitant

04 :  $10/1,62 = 6,17$  décès pèr 100.000 abitant

84.  $32/5,5 = 5,81$  décès pèr 100.000 abitant

05 :  $6/1,41 = 4,25$  décès pèr 100.000 abitant.

**Counclusioun :**

1) 4 despartamen (50, 04, 84, 05) : passon pas lou noumbre de 7 décès pèr 100.000 abitant.

2) 1 despartamen (34) passo de gaire li 10 décès/100.000 abitant.

3) 2 despartamen soun dins la meme fourqueto (06 e 83).

4) Lou despartamen 26 fai cavalié soulet. Perqué?

5) Dous despartamen (13 e 07) soun entre 35 e 30 décès pèr 100.000 abitant. Pèr l'Ardecho es-ti qu'acò vendrié de la forto mourtalita en EHPAD? Nouta \*: soun belèu pas coumpletamen seguro.

## 8) Lou Prouvençau pèr li mòti emé Reinié Moucadel :

### Leiçoun 15 : Lou bout dóu bout...(08/04/2020).

E bè vaqui, pichot, ié sian!... lou bout dóu bout...la fin dóu mounde...pu rèn à dire... pu rèn à escriéure... la man palaficado (*figée*), la plumo que vòu pu faire avans, l'encro que se caio (qui se prend)... l'óupilacioun (*l'obsession*) de la pajo blanco... «sur le vierge papier que sa blancheur défend, disié, à gaire proche, Mallarmé (1)...lou vièi Mouc mut coume uno escarpo (*muet comme une carpe*), se coume de brusc (*sec comme de la bruyère*)... au bout de quinge pichot jour, tóuti li sourgènt abena (*toutes les sources à sec*), tóuti li lauroun esbe-gu (*toutes les mares épuisées*)... lou grand desert blanc de sau e de cèndre... pu rèn dins la tèsto, rèn au bout di det... des crépuscules blancs tiédissent dans mon crâne... (*Mallarmé, encaro...*)...lou noun-rèn (*le néant*)... lou grand trau...lou gourg (*le gouffre*), *lou garagai* (*l'abime*)...li cinq biòu que se descabèstron (*les cinq bœufs qui ôtent leur joug*), batudo coumplido (*journée faite*) e pres-fa acaba, e que volon pu rèn saupre...

- Hòu, Moucadèu... de que nous fas? Coumprenèn pu rèn à ti dire... Siés clar coume de pego (*de la poix*)! ...linde coume un gaudre après la chavano (*limpide comme un torrent après l'orage*) e sourne (*sombre*) coume se t'anaves penja à la platano...

- D'aise, d'aise, lis ami... Acò's pas rèn o pas grand causo... Un pichot moumenet de panico literàri, l'impressioun fugidisso (*fugitive*) que pu rèn vai sourti de l'estilò, que pu rèn vai greia de la tèsto e que i'aura ges de deman...

- Anen, anen, nous vas pas leissa toumba au bout de dos pichòti semana, en plen counfinamen courounò-couviden! Nous vas pas leva noste pan quoutidian, nosto biasso journadiero... Zóu, zóu, *sursum corda*, que diantre!

- Quin de sort! De que fau pas faire! Bon, vai bèn, me ié vau mai grou-pa, mai sabe pas trop mounte vau... Veiren bèn... E d'abord vous dève (*je vous dois*) un pau d'esplico : qu'es acò, aquéli cinq biòu que disiéu un pau pus aut? De mounte sorton? – Ei just uno poulido devinaio (*devinette*) que se trovo dins lou Tresor dóu Felibrige, lou grand diciounàri de Mistral. La vaqui : «*Champ blanc, semenço negro, cinq biòu fan la rego*» (*champ blanc, semence noire, cinq bœufs traçant le sillon*). N'i'a plen coume acò, de devinaio, dins lou Tresor. E aquelo la trove proun poulideto : champ blanc : la fueio de papié; semenço

negro : lou grafignage de l'encro e de l'escrituro; cinq biòu : li cinq det de la man; fan la rego : traçon li rego d'escrituro... E bè, mi cinq biòu à iéu, adè, voulien pu faire avans...pas mai...

Tè, uno outro pèr faire perdouna lou pichot cop de flaquige d'adè (le petit coup de mou de tout à l'heure) : «Qu'es acò que pòu pourta cènt quintau mai que pòu pas pourta uno clau?» (*Qu'est-ce qui peut porter cent quintaux mais qui ne peut pas porter une clé?*) La responso, l'aurés que deman, se vous fai rèn... Soun pas poulideto, aquéli devinaio que, partènt di causo li mai ourdinàri de la vido vidanto vous li presènton em'un pichot èr d'estrangeta, que vous li mostron d'un autre biais, souto un autre jour, em'un regard nòu, desbarrassa dis escourriho de l'abitudò (*des scories de l'habitude*)...coume se venien tout bèu just d'espeli (*naître*)...

-----  
(1) Pouèto proun escur (pas clair) dóu siècle dès-e-nouven (1842-1898), ami d'Aubanel e de Mistral...

### **Leiçoun 16 : Dins la glèiso... (09/04/2020)**

Ai parla de la pèsto de 1720 à Maiano, i'a quàuqui jour...parlarai proubable, dins gaire, dóu coulera de 1854... e justamen, i'a'n parèu de jour, anave querre de pan vers Cournihoun... enfin, vers Fountaniho...noun, vole dire vers Jirome (*Ah! bouto, lis abitudò se pardon pas coume acò, en un vira d'iue (clin d'œil)*)... ié fau de tèms emai de tèms...), adounc vau querre moun pan à l'Espigo d'Or, aqui toucant la glèiso (*près de l'église*)... E se rintraves un moumenet, me dise, saluda un pau li cors sant (*les statues des saints*) maianen, ié douna un pichot bonjour, uno pichoto capelado...

E rintre dins la glèiso... Ah! segur que m'esperave pas de ié trouva lou mounde espetaclous que se ié vesié i'a trento o quaranto an pèr li fèsto de Nosto-Damo de Gràci... mai quand meme, me disiéu, ié trouvaras bèn un desenau (*une dizaine*) de persouno esparpaiado (*éparpillées*) d'eici d'eila, quau davans sant Ro (*qui devant saint Roch*), quau davans sant Aloï... santo Aguetò... sant Jósè... mai, couquinnasso, res... ni ome, ni femo, ni capelan, ni mourgo (*religieuse*), res... pa'n cat ! Lou desert de Gòbi èi belèu mai poupla que la glèiso de Maiano au tèms dóu courouna virus...!

M'avance vers l'autar de Nosto-Damo de Gràci...m'esperave de ié vèire un vertadié beluguié (*éclairage*) de cierge, un caufadou

(*chauffoir*) espetaclous, un fiò esbrihaudant, de preguiero de flamo mountant vers la Maire de Diéu pèr ié crida ajudo (*implorer son aide*) e óuteni sa prouteicioun... Ai, ai, ai! Qunto desoulacioun... quatre marrit lumignoun...noun, siguen juste, set, vue, belèu dès lumignoun qu'assajavon de manda vers Aquelo que nous avié sauva dóu coulera, i'a mai de cènt cinquanto an, un pichot lume mourtinèu (*moribond*), uno flameto trantraianto (*hésitante*), uno ombro de lus palinello e fousco (*sombre*) que fasié pieta...

Es aqui qu'ai coumprés, mai me n'en doutave un pau, qu'entre lis annado cinquanto de nosto jouinesso e l'an 2020, li tèms avien proun chanja!!!

\*\*\*

Ah! vous deviéu uno responso à la devinaio d'ièr, mai crese que l'avès tóuti trouva : lou Rose, naturalamen, que porto de batèu que peson de milliardas de kilò e qu'uno clau, uno pichoto clau de pas miejo-liéuro ié vai au founs...

Uno outro pèr vuei, tè, pèr vous faire un pau chifra : «Qu'es acò : bèu coume un oustau, pichot coume un dedau (*dé à coudre*), amar coume lou fèu (*fiel*), dous coume lou mèu (*miel*)?».

### **Leiçoun 17 : Lou tarabastèu... (10/04/2020)**

Sian divèndre sant... e, se voulès, anen tourna parti en bousco (à la *recherche*) dóu tèms perdu e reviéuda (*ressusciter*) quàuqui souveni di semano santo d'antan...

E pèr acò nous fau redeveni li pichot clerjoun (*enfants de chœur*) qu'erian, en soutano roujo e subrepelis blanc, au moumen que nous disien que li campano, vengudo mudo (*muettes*), avien parti à Roumo pèr n'en reveni à plen trignoun (*carillons*) e pleno voulado lou bèu dimenche de Pasco...

Mai li campano esvalido (*disparues*), acò empachavo pas lis óufice : lou Dijòu sant...lou Divèndre sant... lou Camin de Crous... li leituro de la Passioun emé si tres o quatre recitaire... e aquéli ceremounié, falié bèn li faire assaupre, pamens, i Maianen, e li clerjoun èron pas qu'un pau fièr, alor, d'èstre li messagié de tout acò...

E li Facebouque e li Messenger de l'epoco, ié disien lou...Tarabastèu! Ah! lou tarabastèu, aquelo plancho de bos, de nouguié (*noyer*), crese, que fasié aperiàqui 20 cm de large sus 30 de long e dous det d'es-pés, emé si dous batènt, qu'en la brandussant energicamen à plen de pougno, te fasié un tarabast (*tintamarre*), un chafaret (*vacarme*) espe-

taclous dins tóuti li carriero dóu vilage monte passavian en bando miech-ouro avans lis óufice en cridant à plen gousié : «*Lou proumié, lou segound, lou darrié de la Passioun!*».

E à coustat dóu tarabastèu que passavo de man en man, pèr fin que chascun n'en proufite e siegue un moumen lou rèi de la fèsto, i'avié tambèn li tique-taque (*les crécelles*) que nòsti gènt (*parents*) nous fargavon (*fabricaient*) 'mé tres pichòti plancho de bos e que, sènso agué lou prestige dóu tarabastèu, fasien quand meme partido d'aquéli souveni brusissènt (*bruyants*) de nosto vido de pichot cler-joun maianen...

Ah! monte a passa, aquéu sant estrumen que déurié trouna en bono plaço dins lou tresor de la glèiso de Maiano coume lou sant relicle (la sainte relique) de nosto enfanço perdudo?

(Ai assaja de vous dessina un tarabastèu e un tique-taque, mai siéu pancaro Van Gogh...!).

\*\*\*

Ah, i'aura pas de devinaio, vuei, ai déjà fa proun long, e pièi sian encaro en carèmo, fau faire un pau penitènci... Mai vous dève la responso d'aièr : uno responso en quatre moussèu : l'óulivié, l'óulivo, l'óulivo verde e l'òli...

### **Leiçoun 18 : Vaio-vèn...(11/04.20)**

Ah! lou Macroun a feni pèr se decida, quand meme, de faire lou vaio-vèn de Marsiho pèr veni vèire lou proufessour Raoul... !

Mai lou proublèmo, emé li pouliticaire, èi que sabèn jamai s'èi pèr un rescontre vertadié monte lou Presidènt, soucitous de l'interès generau dóu païs, se vèn faire uno idèvo la mai pounchudo (*la plus précise*) poussiblo de la situacioun pèr pièi prendre li bònè decisioun, o s'èi just, coume se dis, un «cop de com'» o pire encaro uno pichoto escourregudo (*promenade*) eleitouralisto pèr sauva li moble dis elei-cioun que mancaran pas de veni à la fin dóu counfinamen...

Basto, n'en saupren belèu un pau mai dilun de-vèspre, bord que, nourmalamen, lou Presidènt dèu parla à la televisioun...

Naturalamen, sabe pas ço que vai dire, que siéu pas dins si pichot papié, mai me sèmblo que, la proumiéro causo, se vòu coumunica de-bon 'mé li Francés e èstre un pau escouta, sarié d'abord de recou-nèisse tóuti li coufo (*bêtises*) que soun estado facho dins li proumiéri semana d'aquel afaire e que, que lou vogue o noun (*qu'il le veuille ou*

non), n'es, éu, lou proumié respounsable : - un, an coumença pèr dire que sarié rèn de mai qu'uno pichoto gripeto... - dous, coume avien ges de masco, an di que servien de rèn, alor que, despièi, n'en cercon e n'en coumandon d'en-pertout... - tres, an refusa de barra li frountiero, e vous rapelas, proubable, lou poste frountalié de Mentoun monte vesian lis Italian rintra en Franço à plen barrau e sènso ges de countrole dóu tèms que li gabian (*douaniers*) italian leissavon quàsi res passa... - quatre, an mantengu lou proumié tour dis eleicioun alor que la Buzino i'avié di que sarié un mourtalage (*un massacre*)... - cinq, an mespresa lou proufessour Raoult qu'èro lou soulet d'agué belèu uno poussibleta de soulucioun 'mé la clourouquino... - sièis, an leissa de centenau de Francés de Chino rintra dins lis aerouport francés sènso ges de countrole...

Sièis gròssi bourdasso, adounc, e proubable que n'óublidge...

E bè de que ié sarié au Macroun de coumença pèr recounèisse aquélis error ? Un pichot coudoun (*dépit*) d'amour-propre ? Quouro sias aqui monte se trovo, à la tèsto de l'Estat, e que ié sias pèr ço qu'avès fa tout ço que falié pèr i'èstre, i'a belèu outro causo a faire passa davans (*à mettre en premier*) que sis estat d'amo....

E pièi, recounèisse sis error, èi pas s'apichouti (*se diminuer*)... Au rebous (*au contraire*), recounèisse sis error sarié faire provo d'inteligiènci e d'umanita...

N'auren-ti la provo dilun de-vèspre? Tendriéu belèu pas l'escoumesso! (*J'en ferais pas le pari*)...

A! la devinaio de vuei, bèn en raport'mé lou moumen que sian :

Qu'es acò?

Uno pichoto bouito blanco que se duerb (*s'ouvre*) e noun se tanco (*et ne se ferme pas*)?

\*\*\*\*\*

# De quàuquis info levado de la telaragno...

\* **La clouroquino** : l'armado franceso pren sieun de sis ome, en particulié aquéli que fan partido de l'óuperacioun Barkhane. Vèn de faire...en Chino... un «achat de précaution», destina à la Farmacìo Centralo dis Armado. E dire que Sanofi afiermo que n'a...Ramentan qu'en Italiò la clourouquino se croumpo direitamen e sènso pb en farmaciò.

\* **Masco** : Lou gouvèr a dins l'idèio de faire reviéure la fabrico Plaintel, en Bretagno, pèr fabrica de masco Made In France. Fau dite que de masco n'avèn mai que de besoun. Arrivon, arrivon...de Chino, mai mancon toujours...La fabrico de Plaintel poudra, belèu, n'aprouvesiouna la pouplacioun pèr la segoundo erso de la pandemio de corona-virus, o pèr uno autro pandemio...

\* **Jan-Pèire Pernaut** : vuei, au journau de TV 1 de 1 ouro de l'après-dina, a larga un bon cop de goulo contro lou gouvèr à prepaus di masco : *«C'est comme les masques interdits en pharmacie mais autorisés chez les buralistes, comme les fleuristes fermés pour le 1er mai mais les jardineriees ouvertes, comme les cantines bientôt ouvertes mais les restaurants toujours fermés... On a du mal à comprendre tout ça !»*. *«Entre les infos, un jour, sur un déconfinement par région, le lendemain, ce n'est plus par région, s'est-il encore agacé. Un jour, l'école est obligatoire, le lendemain, elle ne l'est plus»*.

\* **Taus de mourtalita dóu covid-19 en Franço** : l'Institut Pasteur vèn de publica un estúdi de recerco facho emé lou CNRS, en coulabouracioun emé l'INSERM e Santa PUblico de Franço. A douna si counclusioun dins un long coumunica. Demié li responso troubabo lou taus de mourtalita dóu covid-19 es de 0,5 % de la pouplacioun. A precisa que lou mes de Mars de 2020, en noubre de mort, es inferior à-n-aquéu de Mars de 2018.

\* **En Franço, la clourouquino diviso. Au Sénégal, elle rassemble.** En première ligne face à l'épidémie de Covid-19, le docteur Moussa Seydi, infectiologue au centre des maladies infectieuses de l'hôpital Fann à Dakar, a choisi, dès les premiers cas, d'utiliser un traitement à la chloroquine pour faciliter la guérison des patients.

Moussa Seydi : L'explication peut tenir en plusieurs points. D'abord, il y a eu des mesures fortes dès le départ concernant la fermeture des frontières, ce qui a empêché la multiplication des cas de Covid-19 importés. L'interdiction des grands rassemblements comme les prières du vendredi nous ont également permis de réduire d'emblée le flux de nouveaux cas. Ensuite, nous avons pris en charge les cas que nous avons eu de manière assez précoce. Dès le 19 mars, nous avons mis en place un protocole de prise en charge des patients les moins graves avec un traitement à l'hydroxychloroquine – molécule dérivée de la chloroquine, ndlr. Traitement sur lequel pour l'instant j'observe de bons résultats concernant la réduction de la charge virale.

\* **Alemagno** : dóu tèms que Mèste Salomon nous largo chasque sèr si banasto chifro, l'Alemagno, elo, en fasèn fisanço au grand virologue Crestian Drosten se preparo à l'arrivado (se n'í'a) de la segoundo erso de coronavirus o covid-19.